

INUIT ATAQATIGIIT

INATSISARTUNI



25. november 2013

Inatsisartut suleriaasianni § 37 naapertorlugu matumuuna Naalakkersuisunut apeqquteqaateqarpugut:

1. **Namminersorlutik Oqartussat piginneqataassutaannik Greenland Venture A/S-ip pisinialersaarttuunera Naalakkersuisut uppernarsarsinnaavaat? Taamaassappat Naalakkersuisut qinnuigissavagut niuernialersaarnermi tamatumani Greenland Holding A/S-ip inissisisimanera ilisimatitsissutigeqqullugu.**
2. **Namminersorlutik Oqartussat Grønlandsbankenimi piginneqataassutaasa pingajorarterutaannik pisiniarlutik ingerlatseqatigiiffiup soqtiginnittup siulersuisui qanga neriorsuuteqarpat?**
3. **Ingerlatseqatigiiffik soqtiginnittoq pisinissamut nammineq aningaasaliisinnassuseqarnersoq imaluunniit avataaniit aningaasaliisoqarnissa pisariaqartinneqarnersoq Naalakkersuisut ilisimasaqarfigivaat?**
4. **Piginneqataassutinik pisinissamut ingerlatseqatigiiffik taarsigassarsinissamik pisariaqartitsissappat, aammalu taarsigassarsinermut tamatumunnga pisisup bankia qularnaveeqquisoqarnissaanik piumasaqassappat Namminersorlutik Oqartussat qularnaveeqquisuuniarpat?**
5. **Qularnaveeqquosiinerunngitsumik, soorlu Nunatta Karsianit taarsigassarsinikkut, piginneqataassutinik pisinermik pisisup aningaasaliineranut Namminersorlutik Oqartussat toqqaannartumik toqqaannanngitsumilluunniit ilangutitinneqalersinnaanerat periarfissaanngitsoq akerlilerneqarsinnaava?**
6. **Grønlandsbankenimi piginneqataassutit sinnerisa tunineqarnissaat aktianik piginneqatigiiffinnut piginnittuunermut Naalakkersuisut periusissiaannut ilaava? Taamaassappat piffissaq tamatumunnga**

atugassatut naatsorsuutigisaq kissaatiginarpoq

ilisimatitsissutigineqassasoq.

7.

Grønlandsbankenimi piginneqataassutinit tunineqartunit

iluanaarutit Nunatta Karsianut suli nakkartinneqartarnissaannik

Atassutip oqaasia Naalakkersuisut uppermarsarsinnaavaat? Atassut

taamaasilluni ilimasuppoq Greenland Holdingip

ataatsimeersuarnissaanut atatillugu Greenland Venturep

Grønlandsbankenimi piginneqataassutitigut iluanaarutiumaagaanit

amerlanerusunik Namminersorlutik Oqartussat

iluanaaruteqarnissaat Naalakkersuisut piumasaqaatigiumaaraat.

(Inatsisartunut ilaasortat Kuupik V.Kleist aamma Naaja H. Nathanielsen)

Tunngavilersuut

2014-imut AIS-imut allannguutissatut siunnersuummi nr. 231-mi ersersinneqartutut

Namminersorlutik Oqartussat Grønlandsbankenimi piginneqataassutaasa ilaat

Naalakkersuisut Greenland Venturemut tunilersarpaat. Allannguutissatut

siunnersuutikkut tassuuna 2014-imi Nunatta Karsiata 60 millioner koruuninik qaavatigut
isertitaqarnissaa Naalakkersuisut missingersuusiornermut ilaatippaat.

Ulloq 2014-imut Aningaasanut Inatsisip akuerineqarfissaa nalliuuttorlu isumassarsiaq

tamanna Inatsisartunut saqqummiunneqarpoq. Naalakkersuisut Siulittaasuannik

pinasuartumik aggersarneqarfiusumi ataatsimeeqateqarnermi paasinarsivoq

piginneqataassutit Greenland Holding A/S-imit imaluunniit Greenland Holdingip

allequtaralugu aqtaanit – Greenland Venturemit – pisiarineqassanersut

ersernerlutterujussusoq. Ataatsimeeqateqarnermi Naalakkersuisut Siulittaasuata

Greenland Holdingip piginneqatigiiffiullu tamatuma aningasaqarnikkut inissismanera

annerusumik oqaaseqarfigaa. Aatsaat kingornatigut paasinarsivoq Greenland Venture

ilimasuffigineqartoq ilumut taannaassasoq piginneqataassutinik pisisussaq.

Siumungaaq qinnutigissavarput apeqquteqaammi apeqqutit tamarmik ullut qulit

suliffiusut qaangiutsinnagit akineqariissasut.